


Inches
Centimetres

0 10 20 30 40 50 60 70 80 90 100 110 120 130 140 150 160



1882
347

古大臣上荷殊知躬膺顯秩必其精純
罔間勤毖有加斯眷注式隆於生前哀
榮獨優於身後無他一誠之所充積而
對揚休命者在此整飭綱維者亦在此
也

天子嗣位之二年廷試詞館諸臣而
可齋陳公首蒙

特拔未一載由編修五轉而至正詹明年以春

卿入贊機務遂佐銓衡外膺節鉞嗣是
十年之中撫皖撫蘇撫閩加

宮保晉中樞躋冢宰協辦閣務庚午出
鎮兩粵辛未八月卒於廣州官署

九重軫惻恩禮咸備

命祀賢良祠 公之子輝祖等薈萃 公生平

事實綴爲年譜而求序於予予閱且竟
乃知

聖主所由重公於初試者洵不以文而以誠也
正直見於修辭忠愛形於楮墨蓋異日
之作霖作舟爲鹽梅爲柱石者早可覘
其概焉伏讀前後

諭旨曰堪荷繁鉅曰精明勤慎曰中外一心豈
非成已成物明體達用之大道也乎夫
公之身本應運而生 公之德望勲
業遂乘時而起茲年譜一冊光在棗梨

昭垂千古禎俾後之人知名世之興非
偶然

帝心之簡有禎契而公才品之優長見諸揆
文奮武議賑籌邊宣教化廣積儲勵風
俗重民命各大政實心實計始終以一
誠相貫通展卷瞭如指掌古所稱不朽
維三殆兼之矣其可與湯文正陸清獻
諸賢年譜共增我

皇朝泰文晉錫之光者非淺也斯編所係不綦
重歟乾隆十七年歲次壬申春三月

欽命署理巡撫湖南長沙等處地方提督軍務
兼理糧餉都察院右副都御史加三級
紀錄四次年家眷弟范時綬頓首拜書

皇清崇祀賢良祠

誥贈光祿大夫 太子太保兩廣總督前

經筵講官協辦大學士吏部尚書軍功加三級


謚文肅顯考可齋府君年譜

男 祖敬輯

及繩輝

姪 興祖 校

府君姓陳氏 諱大受 字咸占 號可齋先世



年譜
為潁川舊族系遠無徵始祖諱鏞前明

任山西曲沃縣知縣有惠政始遷居祁

陽閱五世為先高祖諱一科公六世為

先曾王父諱震倫忠厚相傳閭里稱善

族曾王父一日閒遊藕塘山麓遇異人

指示吉壤後先高祖考妣同日壽終卜

葬其地人僉稱發祥所自曾王父生子

五人先王父諱綵其仲子也娶先王母

唐太夫人因中年艱嗣繼胞姪先伯父

諱大策公為子後開生王母周太夫人

賢以禮聘為側室時曾王父年高而嫡

親王母常抱疾病周太夫人盡子婦職服

勤奉養寒暑無懈康熙戊寅年曾先王

親父病幾殆先王父外出未歸旅次夢神

人告曰汝父病亟汝側室孝思純篤因

渠數當歿以此可延三年汝父病亦當

愈竝攜一緋衣童子授之曰是爲汝嗣
遂誕育府君

康熙四十一年壬午

府君以閏六月二十二日丑時生

康熙四十二年癸未

府君二歲九月初七日周太夫人見背
葬於城北青草原時府君呱呱待哺唐
太夫人躬親撫養

康熙四十三年甲申

府君三歲

康熙四十四年乙酉

府君四歲夏府君嬉戲僕隘市中適驛
馬羣逸至而自止里人傳以爲異十二
月十三日先曾王父贈光祿公卽世享
東年八十有一葬於藕塘先塋

康熙四十五年丙戌

府君五歲

康熙四十六年丁亥

府君六歲始就義塾從邑廩生蔣公諱

一薦之門先王父王母雖甚愛憐而義

方頗篤府君性敏授書輒成誦鄉里有

神童之目

康熙四十七年戊子

府君七歲讀四書即能解晰字義是歲

冬寒先王父見有凍餓道旁者輒為施

與

康熙四十八年己丑

府君八歲次第授五經口不絕吟雖疾

不輟學

康熙四十九年庚寅

府君九歲時生王母周太夫人見背已

久府君每念哀痛歲時展墓輒涕泣不

自禁

康熙五十年辛卯

府君十歲

康熙五十一年壬辰

府君十一歲

康熙五十二年癸巳

府君十二歲是歲夏邑中米昂里人有
饑者先王父間爲粥以拯之

康熙五十三年甲午

府君十三歲作時藝多性靈語名宿前
輩咸器之

康熙五十四年乙未

府君十四歲

康熙五十五年丙申

府君十五歲始應童子試

康熙五十六年丁酉

府君十六歲研究經義喜讀朱程遺書
是歲聘前妣張夫人邑諸生張公諱德
英長女

康熙五十七年戊戌

府君十七歲郡邑試俱前列

康熙五十八年己亥

府君十八歲院試見遺是歲娶前妣張

夫人

康熙五十九年庚子

府君十九歲肄業於藕塘山麓地處荒
恩妹郊草舍一椽府君吟咏餘閒雖稼圃不廢
經營然立志不求溫飽

康熙六十年辛丑

府君二十歲應邑侯陳公諱脩小試首

拔冬長姊生

康熙六十一年壬寅

年譜
府君二十一歲受知於督學黎公 諱致

遠福建汀州府長汀人康熙己丑進士

補邑庠生

雍正元年癸卯

府君二十二歲赴鄂渚應

恩科鄉試落解

雍正二年甲辰

府君二十三歲是歲補行癸卯正科湖

南分闈府君赴星沙鄉試落解

雍正三年乙巳

府君二十四歲

雍正四年丙午

府君二十五歲鄉試落解是歲前妣張

夫人卒墓於城西瑞竹山麓

雍正五年丁未

府君二十六歲主城中義塾是歲娶母

成夫人外祖諱茂章公次女

雍正六年戊申

府君二十七歲主城中義塾

雍正七年己酉

府君二十八歲伯兄述祖生是歲受知

於督學習公諱雋康熙癸巳進士江南

吳縣人以明經拔萃貢入成均應順天

鄉試中式第二十七名座師爲總憲楊

公諱汝毅康熙庚辰進士大司農長白

鄂公諱爾奇康熙壬辰進士房師戶部

主政文登劉公諱重選雍正甲辰進士

山東人閏七月十七日先王母唐太夫

人卽世十一月二十四日先王父贈光

祿公卽世

雍正八年庚戌

府君二十九歲正月匍匐奔喪回里哀

毀骨立冬合葬王父母藕塘先塋

雍正九年辛亥

府君三十歲設教城外徐氏南洲書房

雍正十年壬子

府君三十一歲講學於城外聚奎書室

是歲不孝輝祖生

雍正十一年癸丑

府君三十二歲伯兄述祖殤府君公車

北上會試中式第九十三名座師為懷

大學士長白鄂公諱爾泰總憲懷寧楊

公諱汝穀宗伯溧陽任公諱蘭枝康熙

癸巳進士江蘇人房師翰林院侍

讀學士無錫鄒公諱升恒康熙戊戌進

殿試二甲十九名

賜進士出身協辦大學士戶部尚書彭公諱維

三十一

新康熙丙戌進士湖南茶陵州人遵例
薦舉甲子

欽點翰林院庶吉士分習漢書教習爲長白鄂

公諱爾奇閣學桐城方公諱苞康熙丙

戌進士江南人館課屢列上等是歲不

孝繩祖生里人家有狐爲妖巫莫能禁

妖乃言曰若陳內翰來吾當避之非是

孰敢侮予耶

雍正十二年甲寅

府君三十三歲肄業詞館究心書史及

經世之學名公鉅卿交口譽之

雍正十三年乙卯

府君三十四歲是年八月二十三日

世宗憲皇帝龍馭上賓府君自以邊省孤寒蒙

恩擢拔朝夕哀號恭逢

今上纘承大統

覃恩廣被先王父

勅贈文林郎翰林院庶吉士王母唐太夫人周

太夫人俱

贈孺人先曾王父曾王母伍太夫人都邀

賜贈

乾隆元年丙辰

府君三十五歲五月散館

御試二等四名授職編修克一統志館纂修恭

遇

覃恩府君

勅授儒林郎翰林院編修加一級前妣張夫人

母成夫人俱

贈封安人先王父王母

勅贈如秩

欽點順天鄉試同考官得士十七人今少司寇

觀公保沂充道盧公憲觀其最著者也

是歲長姊適邑庠生徐學海

乾隆二年丁巳

府君三十六歲三月

欽點會試同考官得士今少司空德公保瀾洲

正白旗人侍御歐公堪善廣東樂昌人

編修廖公鴻章福建汀州府永汀人等

十八人四月不孝輝祖繩祖隨母夫人

抵京五月

乾清宮

御試翰苑諸臣首題藏珠於淵賦以題爲韵次

題爲君難爲臣不易論三題賦得薰風

自南來七言六韵限來字蒙

聖恩取列一等一名陞翰林院侍讀克

賦日講官起居注

賜御用松花硯一方筆四匣墨八片葛紗二端

杭紗二端七月陞左春坊左庶子閏九

月陞翰林院侍讀學士十二月恭遇

覃恩先王父

勅贈中憲大夫翰林院侍讀學士加一級先王

母唐太夫人周太夫人俱

贈恭人曾祖王父曾王母

賜贈如秩又陞詹事府少詹事兼侍講學士

乾隆三年戊午

府君三十七歲三月陞詹事府正詹兼

侍講學士五月陞內閣學士兼禮部侍

郎

欽點浙江正主考得士吳世英等一百二十人

望隨乾隆四年己未

府君三十八歲三月補授吏部右侍郎

四月奉

旨管理武英殿事務三禮館總裁

欽點殿試讀卷官

朝考閱卷官七月克

經筵講官十一月

欽點武英殿讀卷官旋奉

旨補授安慶巡撫本月二十六日恭請

聖訓荷蒙

賞賜優渥十二月初二日起程是日次妹生十

八日入安省之宿州境時鳳廬穎泗等

府州屬俱經告災而宿州尤重地方有

司辦理周章府君於途次卽調委幹員

前往督辦竝面諭以查賑之法已領者

不得冒支聞賑歸來者不得遺漏務期

貧民均沾實惠二十七日抵皖接印視

事

望主乾隆五年庚申

府君三十九歲安省地當吳楚之衝水

陸輻輳政務殷繁兼值災旱頻仍正宜

休養生息之時府君自念起家寒素荷

蒙

聖主知遇之隆昇以封疆感激奮勉凡心力所

能爲者無不早作夜思竭誠籌畫日則

接見屬員諮詢地方利弊晚則披覽案

牘每至夜分不寐事無大小一切躬親

裁決如流積案爲之一清老吏皆爲驚

服安省十三府州倉貯共計米九十六

萬石有奇乾隆三四兩年賑恤殆盡而

各屬青黃不接之時仍需平糶出易州

奏

縣糶賤糴貴慮及賠累經年並不買補

備

以致倉額虛懸府君因鳳穎等屬民食

宜麥

奏請飭令俟麥收豐熟買貯於秋稼登場易

穀存倉設有小歉可備賑糶其餘各屬

俱令往隣近江廣米價平減之地買運

全言
竝請將本省捐監報捐足額已經停止者再爲展限一年俱奉
旨俞允安省倉儲漸裕次年賑用賴之零星地丁可以開墾者欽奉

諭旨聽民墾種免其升科府君

奏請一應山頭地角畸零不成坵段之地悉聽原業戶墾種其現有之支河小港溝渠塘堰爲一方水利所關及故絕墾塚

埋宜防護不得令無知小民佔踞掘毀應責成地方官稽查嚴禁經部覆准鳳廬穎亳等處土瘠民貧地界楚豫最易藏奸盜案甚多府君嚴督各屬設賞勒緝莅任三月獲盜五十餘名奉

旨優獎交部議敘加一級

安省濱臨大江春夏漲濶之時每有積匪或僞作漁舟遇便行劫又或攬載商

民駕至僻處劫取財貨府君嚴飭查緝
拿獲劉漢彩等究出歷年劫奪十餘案
同黨甚夥俱伏法嗣後行旅無虞
蕪湖關務向來奸弊叢生管關書吏勾
通行戶巡役誘商漏報從申漁利若遇
良善客商又多方留難苛剝府君稔知
其弊立法剔除詳定條約商民稱便至
今遵行

撫標弁兵弓馬技藝俱屬生疎府君勤
加簡練罰賞必信以示勸懲並汰其老
弱濫充者數月之內營伍改觀

府君聞虞山進士陳君祖范品學兼優
聘主敬敷書院生童多所造就又於政
事之暇觀風各郡閱課文藝手自點勘
次其甲乙文風大振陳君頃以明經薦
百餘回舉因年高未赴奉

旨給國子監司業銜

安郡郊外無主之棺甚夥風雨摧毀悉至暴露府君見之惻然捐俸飭發有司盡爲掩埋或曰此事陰功甚大府君謝曰吾以盡吾心而已豈有他哉

是歲二月初七日奉到

欽賜明史十二套歲底奉到

欽賜福字一卷竝羊鹿野鷄等物府君命熟而

薦之祖考神位前曰庶歿者得沾

君恩也嗣是歲以爲常

乾隆六年辛酉

府君四十歲四月內江北壽宿等各州縣衛被水二麥失收府君委員確勘開倉設厰糶濟竝請給貧民四十日口糧貸與籽種令其及時補植

江北各屬上年獲盜六十餘名多由災

全言
稔後饑寒交迫賊止米麥錢文或布衣
十餘件一經緝獲悉吐供無諱府君仰

體

聖主欽恤至意將得贓微末者量予矜原聲奏
報可六月奉

旨調署江蘇巡撫府君隨具摺謝

恩欽奉

硃批蘇州爲第一繁鉅之任以汝尚堪負荷是
以命往汝其勉之欽此府君又將上江十

三府州地方情形詳晰陳

奏大畧言各郡民俗雖淳澆各別而土瘠民

音煉交貧則大同小異安徽等處尚可支持惟

鳳穎泗出產原不甚充資生每乏策加

以頻歲水旱更形艱窘已蒙

皇上加恩賑卹費用甚鉅然舉貧乏之人盡登

康阜非可意期惟在先事籌畫隨時補

全譜
救臣料理未周抱愆實甚今雖現赴江
皇土以蘇其上江事宜先後緩急之序有應知
會新撫臣者臣自推誠詳告聽其裁酌
奉

旨勅交

廷議行令接任撫軍留心拊循籌辦

七月初二日由安慶起程紳士兵民隨
送舟行十餘里始歸父老有垂涕者初

八日抵江寧將撫篆交制軍楊公諱超

曾署理十二日至丹陽接蘓州撫篆十

五日莅任時屆江南鄉試闈期府君卽

於月杪仍赴江寧監臨場務

淮徐海三府州屬夏來收經前撫軍

皇公悉徐公諱士林

奏奉

諭旨破格賑恤又江蘓常鎮揚太等府州屬七

年言
備言如月內風雨過驟山水陡發田地多被淹
奏奉 沒府君莅任仰體

皇仁悉心察辦凡無食露處貧民先行撫卹一
月竝將倉穀平糶接濟其廬舍傾圮者
給銀修葺人口淹斃者備棺殮埋田間
積水立限疏洩橋梁圩岸設法修築竝
酌定賑規十條飭發被災州縣遵照又
動帑委員赴隣省購買米麥備賑至各
屬應徵漕糧及六合縣應徵屯撫米俱
請緩至下年帶徵以紓民力一應事宜

大者奏

聞請

旨遵行小者卽飭有司速辦江蘇政務倍繁于
上江府君辦理日無寧晷有以節勞請
者府君應之曰方今

聖上勤卹民隱惟恐一夫失所豈臣子安逸靜

聖上憐攝時耶
各屬澇後魚蝦遺種散布平疇府君慮
來年必起蝗蝻但春暮夏初羽翼已成
爾時撲捕既悞農工竝傷禾稼隨令各
屬曉諭民間如能於冬月預捕蝻子一
斗者賞給白銀二錢僅得升合者照數
減給
十月十八日奉

旨實授江蘇巡撫二十四日起程查勘海塘工
恩旨婚程十一月初五日旋署

乾隆七年壬戌

府君四十一歲淮徐海一帶低窪田地
歲差既上年積水未涸未經種麥間閻艱食沛
恩賞登縣鄉民有採野蒿野草而食者府君一
皇土鍾面動支公項銀兩委員前往確查貧民
土間借給口糧兩月一面據實

年譜
上聞適蒙

皇上軫念災區

恩賞疊沛

欽差刑部侍郎周公諱學健來南會同籌畫府

君與周公暨制軍那公諱蘇圖和衷詳

議分晰加賑又奉

恩旨截留江廣漕糧七萬石派撥各州縣賑糶

百寶外儲備貧民均沾

聖澤得慶生全

江省州縣素稱繁劇牧令每多藉詞將

政務全行度閣耽逸更甚於事簡之區

府君每遇屬員進見必諄切勸諭各宜

振作精神加意奮勉案頭片紙隻字悉

關民隱不可忽視又州縣因本任事繁

每將詞會案件批發佐雜官審理以致

民間爭訟多赴佐雜衙門具控賄求枉

斷不一而足府君指明定例嚴飭不許
佐貳擅理民詞屬員咸爲凜遵積玩之
習一變不何念及此因本台奉
蘇揚俗尚侈靡起居服食毫無節制游
玩之費不貲府君念此二郡地廣人稠
貧多富少全賴財帛流通貧民資以存
活若浮費太多富者將竭貧者益困因
出示勸諭去其泰甚如四時遊賞上元
烟火端午龍舟及婦女靚妝入廟燒香
等類均爲力禁頓改怙侈之俗

江蘇收兌漕斛口大邊濶稍稍浮溢卽
盈升累合胥役緣以爲奸納戶深受其
累府君

奏請改製小口斛使米不得高滿以杜浮收
累民之弊竝請內而通倉外而有漕各
省一體仿行經內部查詢各省衆議僉

同遂改用小口斛民咸稱便積弊以除
 上年水患江浦六合二邑尤甚各圩堤
 岸被冲其工省者業戶自修惟江浦之
 三合北城永豐三圩工鉅民力難支邑
 令請帑格于成例府君檄行藩司按其
 工段酌借常平倉穀三千石有奇資其
 工本乘時修築以捍禦春漲於兩年內
 照數輸還又句容一邑三面環山縣北

七十里為秦淮源繞城東南而西二十
 里許滙為河可資灌溉明初於城西南
 十五里建石閘曰黃堰埧民獲其利者
 八千餘畝後因頽敗水無所蓄又西門
 外有郭西塘廣一百二十餘畝灌田數
 百頃淤泥漲塞府君因句容原屬山鄉
 若不講求水道旱澇俱受其傷乃于青
 黃不接之時酌借社穀以工就食令民

開濬春貸秋輸期以兩年足額自是民
獲其利磽產爲腴

夏秋之交河湖異漲古溝冲決水勢直
注下河高寶興泰一帶俱成巨浸黃河
大溜又直趨石林口徐屬城郭村庄盡
在水中府君聞報卽於七月二十日起
程前赴淮揚會制軍德公諱沛飛調幹
練有才印佐二十餘員分委查辦仰蒙

聖主厯念各該處疊被災傷

欽差直隸制軍高公諱斌刑部侍郎周公諱學
健來南會同料理又疊奉

恩旨截留漕米撥協銀穀千數百萬茲

諄諭在事臣工加意撫綏府君仰體

聖衷與諸公悉心籌酌寢食俱忘一切事宜隨

時馳

奏俱奉

溫旨允行當古溝初決時興泰二處水勢驟至
畸零村庄周圍皆水窮民無船濟渡束
望吏與手待斃府君星委員弁多雇船隻裝載
糶餉亦錢米餅麵等物前往沿村散給接濟登
恩旨陸其餘各處蕩析離居者隨地安插撫
賑所至如歸又飭各屬轉運江南米穀
分給被災各邑多給船值運至卽卸船
戶無不踴躍數百里之間舳舻啣尾而
遠行絡繹不絕糧米充裕及時散賑各屬
災黎仰沐

聖天子

恩膏莫不舉手加額稱慶

命來被水各屬農佃無資鬻牛餬口且草料
甚艱不能牧養府君慮及春耕乏牛

奏請官爲酌給草價與借籽種統于下年秋

諭旨收照數繳還旋奉

俞旨竝推其法令他省照辦

奉旨命來江查勘河道疏消積水十二月十一日復
命來江查勘河道疏消積水十二月十一日復
起程赴淮過高郵因河凍與制軍德公
舍舟登陸二十三日抵袁浦會議府君
遂留淮督賑

乾隆八年癸亥

府君四十二歲正月十二自袁浦起程

回蘇二十一日抵署時災祲之後民染
疹氣多病且有死者府君捐俸倡率各
屬公捐製藥徧布鄉村病者服之多愈
其貧民死無以爲殮者施棺葬之
海州地介海濱需用米糧客販稀少惟
東省日照等縣間有販運豆麥雜糧至

奏請州者府君

奏請酌發帑銀三四萬兩存貯州庫遇有東
省商賑糧食到境官爲照時收買俾得
遄歸續運所買者卽照原價出糶毋減
價而虧帑毋抬價以漁利糶出銀兩又
可源源接買民食無虞缺乏

江省雜賦內有牛稅一項府君念農人
災祲之後不無拮据特請暫蠲一年以
紓民力又揚州上下河一帶居民以採
捕魚蝦爲業過關輸稅府君亦飭司權
之員量爲減免

蘇太境內劉河一道卽古婁江乃禹貢
三江之一東引海潮西洩太湖之水爲
商民出入要津自雍正年間開濬後海
潮上下泥沙壅積淤淺府君飭行各屬
令遵成例按畝均挑業食佃力俾得疏
通以資漕洩

金閭南壕商貨雲集時嬰火患緣民居稠密街道窄狹一有告警取水不便器具難施府君勸諭民間購地闢衢建設火街蘇城紳士商民踴躍捐輸得六千五百餘金委員勘地建設並將救火器具悉行增補

蘇地貧窶之家營葬無力每有暴棺火化者向設有錫類廣仁局凡無屬奔棺以及乏地可葬槩與收瘞而普濟育嬰二堂收養窮民及遺棄嬰孺需費俱繁曾撥有入官房屋充用日久傾圮以致無人過問加以吏役佔踞民懼招租所入不償修葺之需經費缺如府君將原價畧為議減列示通衢願售者具呈給照數閱月清釐幾半價值俱交各堂紳士置業取息並購回腴田歲收租米供

用

濱海之地奸民多有偷販米穀下洋府君嚴禁飭令文武營汛逐日稽查其松太各屬支港甚多如鹿鳴蘆荻經涇蕩不下數十處府君飭行地方官截木為椿遏舟以防私越

松江境內之黃浦江東北直達海口西南界聯浙省綿長一百餘里江面廣濶

向有強悍之徒張設高頭注網暗訂木

棹椿蔓延江心壅斷採捕之利每當潮大

颶風急之時行舟揚帆迅駛猝不及防觸

網網碰椿輒多覆溺張網者乘機攫取財

物大為商旅之害府君嚴飭地方官將

暗椿盡行起除大網改為小網不許攔

土開其江張設永為察禁行舟便之

是歲淮海徐所屬復有徧災府君經理

全言
悉如前法凡民間疾苦從不壅于

上聞其隨事措置者具載案牘茲不縷述冬不

孝嚴祖生是歲七月十四日奉到

御賜元宵聯句詩一册十一月二十日奉到

欽賜御製盛京賦一本燈夕

賜宴聯句一册

乾隆九年甲子

府君四十三歲海州地多閒曠民亦貧

惰州牧衛公哲治擇高鄉令種木綿花

實並茂府君聞之酌動公項發州爲工

本之資每鎮各種百畝民獲其利

常熟昭文境內白茆河當太湖下游潮

汐淀積日益淤塞牧令請飭民興修業

食佃力夫船之費不貲民無以應府君

因查白茆河向設有犁船混江龍各四

春秋二汛例於藩庫動項修治額銀二

百有奇嗣因議濬暫停凡八年計得二千餘金飭將存款充用不費民財人咸稱便
蘇郡貧寒子弟有志向學而無力延師多致荒廢會城舊有義學借設梵宇且無經費府君與太守覺羅公諱雅爾哈善再四籌畫勸諭紳士捐輸得資四千餘金於郡城王府基及六門鳩工建學既竣復造市房百餘間紳士亦有捐助竝所餘之銀生息每年幾及千金又紳士捐助圩蕩九百餘畝每年得息七十餘金量入爲用已屬充裕採訪文行兼優之士延主講席貧寒子弟多所造就蘇郡原設普濟育嬰廣仁三堂每歲需費前以官產召變並贖回腴田已屬充裕惟是出入盈縮不一倘所需不繼則

三堂之良法未備時有江干新漲洲灘
素無業主豪強互相爭訟府君飭驛道
黃公祐勘明歸入堂公產至今用費充
足

額徵孤貧銀米江蘇各屬散給之時每
憑甲頭領派經承僕役無不染指以致
虛名冒領百計侵隱府君嚴飭有司將
在冊孤貧別真偽定去留凡放給銀米
飭令按月定期當堂驗結積弊悉除孤
貧得沾實惠

浙屬温州府客販赴蘇購糴欲由海道
運回府君查明飭禁浙撫軍具

奏抄送原摺府君覆

奏畧云蘇郡米糧聚集之所楓鎮平望二處
浙省杭嘉湖寧紹各郡縣客販赴買運
回者絡繹不絕臣若分此疆彼界何以

數處任其買運而獨禁温州商販乎誠以温州販運必須涉洋行程難計風波莫測不可不慎也伏思米穀爲民食所繫有無貴乎流通邊糴誠爲厲禁第本省外省情形身任地方者又不可不詳加體察臣愚以爲嗣後鄰省需米應咨會商酌如蘇郡米多價平自可酌盈濟虛而使兩省民食無碍至海道之禁則寧嚴無寬庶于地方有益奉

旨俞允

九月二十二日府君自蘇起程赴江寧監臨武闈取士吳雙等六十三名是歲靖江等十二州縣衛均有偏災府君率屬悉心察辦無有遺濫

乾隆十年乙丑

府君四十四歲三月得家音周太夫人

以賢孝蒙

旌表又邑中紳士倡建文昌塔於郭外里許
府君捐資千五百金助工

農部議覆條奏令察禁商販收米不卽
發糶質當典舖更番購買等弊府君具
奏畧言除弊務去其太甚立法必求其便

民固當因地制宜體察妥辦查商販之
資本稍豐者每有收積待價之事然得
價亦卽出糶仍爲本處食用市價亦藉
此不致愈昂豈可概爲察禁如令其隨
收隨糶則市價太賤勢將販往他處一
至青黃不接之時民間轉無積蓄其何
所恃況米糧不能久貯富民積粟概於
次年發糶斷無留待者是一歲所收原
供一歲之用與其轉運異地慮及缺乏
不如藏之於民而源源出售之爲得也

又議覆辦理城工奏曰伏查各項工程
委員估計每多浮冒之弊若不嚴加核
實必致虛耗帑金然意在節省而不計
其工料敷足與否則工程究多苟且難
於經久二者均非持平之道也臣愚以
爲浮冒侵蝕之弊若委任得人稽察嚴
密自可杜絕倘用匪其人漫無查察卽
大爲核減而經手之員復肆侵漁則工
程萬不能堅固現在雖有節省之名而
未久坍塌前功盡棄其虛耗帑金殆有
甚焉伏思城垣一項內地則爲民生保
障沿海則爲疆圉重務應修應建
必期爲千百年之計而不可爲目前苟
且之圖所有工程應節省者固不可不
詳爲綜覈而實需之費亦當妥協勘估
勿令簡率但使地方大吏留心稽察遴

幹員而任之其有不肖之員偷減侵冒者立予叅劾則工程自有實濟而鞏固可期矣時論咸韙之

六月內具摺奏請

陛見奉

旨俞允時淮徐海一帶六七月內大雨連綿黃水驟漲河湖皆盈阜寧縣之陳家浦堤工冲決徐州府城亦告危險各屬田地多被淹浸府君一面分委幹員前往查辦撫卹一面具摺奏

聞欽奉

硃批一切料理須加意爲之務期妥協無虞汝方可起身來京陛見欽此府君隨將應辦事宜陸續籌辦大局已定于九月二十二日自蘇起程印篆交方伯安公諱寧護理舟次維揚奉到

年譜

行在

欽賜鹿肉一包十月二十一日赴宮門傳

旨召見

奏對良久嗣是日侍

內廷

恩賚有加寵榮備至隨於十一月初六日叩辭

請

訓初九日出都歲底旋署府君沿途查察賑務

有遺漏者悉令補入冒濫者即行沙汰

賑務肅清貧民得所

是歲四月初七日奉到

御賜柳絮落葉詩四册

乾隆十一年丙寅

府君四十五歲春不孝及祖生

閏三月二十五日府君赴松江查閱上

海吳淞劉河崇明水陸各營伍由福山

至太湖回蘇

太湖之源發自天目經杭嘉湖三郡總

匯於湖支流派別曰溇曰濱曰港曰浦

曰門曰口者不下二三百處湖中之山

亦發脈于天目起伏環結自西北迤邐

而至東南所指名者七十有二而馬蹟

洞庭東西三山為尤著居民數萬戶雞

犬相聞號稱繁庶迤西一帶宜興長興

諸山綿亘最為險遠逋逃竄匿其間往

往入湖為行旅之害浙江舊設游擊駐

西山江南舊設叅將同知駐東山府君

以全湖之廣汎守分員則推諉多而緝

捕懈

奏請將叅將改為副將駐西山兼江浙兩省

之銜控制全湖其遊擊改為都司仍照

舊界分防以為弭盜安良之計部覆准

行

七月二十四日欽奉

恩旨直隸總督那蘇圖兩廣總督策楞江蘇巡撫陳大受福建巡撫周學健簡任封疆歷有年所實心宣力甚屬可嘉那蘇圖策楞着加太子少傅陳大受周學健着加太子少保以示優眷欽此府君當卽繕摺恭謝

天恩時淮徐海屬十七州縣秋漲成災勘災撫

賑事宜府君督飭印委各員實力查辦

隨於八月赴淮會同制軍尹公諱繼善

雍正癸卯進士鑲黃旗滿洲人

欽差協辦大學士高公諱斌商辦水利災賑事

竣卽與尹公酌定分路親往查賑府君

往安東海州沐陽遍歷各境內惟長樂

一鎮水深四五尺不一海沐二邑則茫

無畔岸貧民蕩析離居悉以野蔬草子

為食府君取嘗苦澀難於下咽隨飭委
各員清查饑口即時給賑相視河工決
口酌為捍築疏濬一有涸地即借給籽
種俾得早種春花

九月十二日回蘇二十八日奉

旨調任福建巡撫十月初四日將撫篆交安公
署理即日起程紳士兵民相送如去皖
時後建去思碑於紫陽書院象志也

府君起程水陸兼程於十一月初七日

蒞任時將軍新公諱柱已程起

陸見閩海關務府君兼理十一日浙閩總督馬

公諱爾泰奉

旨還京所有督篆及監政印務亦交府君署理
府君兼綜四篆政務繁雜逐一躬親經
理浹月之間地方利弊土俗民情官吏
賢否無不周知

乾隆十二年丁卯

府君四十六歲閩省負山抱海俗悍民
刁內郡則有健訟告訐好勇鬪狠之習
沿海則有偷渡奸民透漏禁物之弊而
匪竊博徒所在有之兼之外省流民視
閩爲逋逃數結黨行兇肆虐無忌素稱
難治府君精勤以率屬明察以莅事舉
廢修墜整綱飭紀屬吏賢者起擢之不
職者劾罷之嚴飭地方有司不時宣諭
化導使民遷善改過以正風俗招徠遲
進各國運米至閩以濟民食一切措置
按牘成帙此其大畧也

二月二十八日總督喀公諱爾吉善莅
閩府君交送督印三月二十四日將軍
新公還自京府君交送關印

福州福寧二府境內有上竿塘一十四

島久禁不開省城紳士希圖霸佔漁利
詭稱內有田園萬餘畝開墾可資民食
具呈前撫軍奏勘准查勘定議隨委員
察勘得實府君以爲田園旣甚寥寥所
入復不償開墾之需况禁地聚集多人
甚爲可慮若添兵彈壓又爲費甚繁徒
起爭端適貽後患力持不可遂與制軍
喀公覆

奏奉

旨永禁輿情大悅

臺灣開闢之始地廣人稀素稱產米之
區厥後流寓旣多戶口繁滋已非曩日
之比而內地漳泉一帶民食仰給於臺
遂有每年撥運平糶及發價買補之例
然臺郡實無以應也府君莅任細查舊
按始知從前祇以撥運定數貯倉所謂

纍纍者皆係紙上空言遂詳晰

奏明請將歷欠之案註銷又念臺郡爲海外
重地積貯萬不可缺

奏請將餘存供粟及採買各粟合足四十萬
石作爲額貯此後卽將倉穀碾支兵糧
徵收供粟歸補遞年出陳易新而無採
買派累民番之弊二十餘年之案一旦
清釐籌辦井井人咸服之

臺郡官庄向以私租之額作爲正供較
民庄爲重前巡臺御史未悉原委有照
民庄則例徵收之請藩司又請將官庄
租額重者酌減其半輕者照舊徵收屢
經部駁十年不給府君以爲相沿已久
酌增酌減以求符原額查辦滋擾上無
裨於

國計不有累於民生不若仍其舊貫其里民

陳宗等部餉實屬重徵

奏請豁除部議允行

八月監臨文闈十月主試武闈得士陳

河一等五十人

閩地土音非譯莫曉有司審理詞訟惟

憑胥役傳說問供增減情節翻覆舞弊

莫可究詰府君飭令屬員凡鞠獄必須

悉心推研察情辨貌吏胥中尤須擇其

謹愿者供役臺郡番民語言更不相通

有漢民殺人移置番地通事翻覆傳供

坐罪番民獄既成府君閱案疑之飭有

司覆案旋奉

命入都猶不忘語郡守曰事白當以告後果得

雪

十一月初六日奉

旨補授兵部尚書府君自念身起寒微既無家

世勞績之資亦無大臣論薦之舉
特達之知實為

異數八年三任曾無薄効且滋過愆皆荷

聖主訓誨矜全幸免隕越茲復欽奉

恩旨授職中樞撫躬自問何以仰副

高厚隨繕摺奏謝

天恩時制軍喀公巡閱營伍十二月初十日旋

福府君隨于十三日文篆二十日起程

行次浦城度歲

乾隆十三年戊辰

府君四十七歲春恭值

翠華東幸府君馳赴

行在蒙

聖恩召見詢問閩省及沿途民情吏治府君一

一據實奏對以東省歲歉面奉

諭旨與山東撫軍阿公諱里袞於行營外商酌

辦賑事宜隨奉

命還京三月

行在奉

旨欽點會試總裁偕大司農蔣公諱溥雍正庚

戌進士少司馬鄂公諱容安少宗伯沈

公諱德潛乾隆己未進士江南長州人

共襄其事得士鄭悖等二百六十二人

三月在闈中奉

旨轉授吏部尚書四月揭曉後莅任奉

旨着在軍機處行走又奉

旨協辦大學士

上諭處行走六月充會典館總裁教習庶吉士

充

經筵講官侍講一次九月因大學士傅公諱恒

經畧西川奉

旨兼理戶部惟時

宵旰憂勤勵精圖治兼值軍興之際機務殷繁
府君叨荷

聖主委任戴星出入一切庶政咸得與聞每
召見必移時始出或一日數次夜深輒宿直廬
其仰承

德意宣惠民生諸大務有所敷陳多蒙
採擇而府君從未宣露不孝等間或問及府君
亦不答其慎如此嗣是

天眷優渥

賞賚便蕃府君居恒自念一介寒儒廁身鄉列
受

恩深重超出尋常誠千載所難邁惟期夙夜勤
瘁庶幾稍可仰酬萬一此不孝等所耳
熟者也

乾隆十四年己巳

府君四十八歲三月為不孝輝祖完婚

年譜
為同邑諸生劉公正長女又為不孝繩
祖完婚同邑孝廉原任衡山教諭徐公
上長女時以金川平定

恩加太子太保充方畧館總裁凡有
錫宴府君悉在列
賞賜之隆罕有比倫

乘輿出幸輒奉
命總理事務秋七月直隸制軍那公蘇圖卒於

官初六日奉

古馳驛署理督篆於初七日將吏戶二部鎖鑰
命會同交大學士來公保並奏帶內閣中書沈
君作朋即于初九日起程十一日抵保
定莅任前制軍因抱恙日久庶務叢閣
府君漏夜查辦淡旬之間積案一清時
因東西兩淀民間當秋涸之際競取泥
草相沿日久遂致荇藻菱蒲之屬瀰漫

成村府君出都時曾面奉

諭旨收蓄卽於七月二十二日自保起程親往

履勘因雨後泥濘於安州登陸先入西

淀出趙北經東淀赴天津自文安一帶

返署七月杪回保八月二十二日奉

命會同欽差嚮道大臣查看天津道路並趙北

各處

行宮嗣又奉

旨僅查看霸州一帶府君隨札致

欽差訂於趙北相會因有寒疾兼以肝氣爲患

不果行九月初十日稍間復起程前往

會同商辦十一日舟次郭里口蒙

聖恩溫旨存問特遣太醫院院判邵公正文診

視不二日抵趙北奉到

欽賜鹿肉克食各一包十三日將督篆移交新

任制軍方公譚觀承仍由水路回保距

城十餘里舟次奉到

欽賜人葭一觔十六日抵保陽寓蓮花書院養

疾十月初一日起程還京初六日起

聖宮門謝

恩傳

旨回寓調理兼

賜克食一盤復遣太醫院院使劉公裕鐸診視

欽差侍衛視疾二次旋奉部議金川平定軍功

加三級十一月

欽賜御書熙績良謨匾額歲底

欽賜絹巾一荷包四內金銀錢各二金銀錠各

二

乾隆十五年庚午

府君四十九歲在都寓正陽門外邸第

養疾正月奉

旨補授兩廣總督病痊赴

宮門謝

恩瀛臺接

駕奉

旨仍令回寓調理數日後赴

圓明園恭請

聖安奉

旨召見次日

欽賜紗燈一對燈夕

賜宴近臣府君以外任未與開列蒙

特旨入

宴竟日

御製元宵聯句府君得囂字軺字賦曰爆竹聲

連里巷囂聽漏嚮晨嘗草制宣風計日

聖臨面待乘軺蒙

御賜牙章三方綠端硯一方銅鎮紙一方喀什

禁園前倫水盛一座府君兩載

禁闕備邀
高厚隆恩依戀微忱不能自己將行恭請
聖訓面奉乘神崇

上諭汝在內二載萬幾之事皆汝所目擊卽朕
訓也何用贅辭惟中外一心足矣日
上復命取憲書擇期于本月二十二日起程府
君感激

天恩叩辭

廷陞出

宮門蒙

恩欽賜御服狐裘一襲貂裘一襲紅絨結頂貂
帽一頂卽於是日起程由浙江赴任四
月十三日入南雄境二十二日抵廣州
接督篆旋奉

特旨命兼理粵海關務兩粵爲山海要區內雜
徭蠻外隣夷界由來號爲重地府君自

顧蒙

恩深厚

簡昇督任統率文武撫輯軍民乃其專責用是
不敢稍避嫌怨時時訓飭僚屬共勵公
忠擇其貪墨昭著者掛之彈章因循怠
玩者分別糾叅掣調民生衣食之源悉
力講求凡有益于地方之事即為舉行
戢奸懲暴不遺餘力事涉夷邦必持大

體寬嚴交濟海外聞風咸知敬憚以時
講武訓練周祥醜政權務期於課裕便
商其餘庶政與東撫蘇公諱昌將軍錫
公諱特庫和衷商酌次第措置粵西所
屬相距雖稍遠然亦必馳札撫軍返覆
商確辦理惟冀克盡職守以稍報

聖天子任使之隆所陳章奏俱奉

俞允秋不孝繩祖還里應鄉試時先伯父諱大

策公卽世府君聞耗驚悼馳諭不孝繩
祖曰伯亡弟幼身後一切事汝當經理
責無旁貸也後不孝繩祖病未入闈抵
家治喪畢塋先伯父於藕塘先塋之側
是歲九月二十三日奉到

欽賜御製詩初集全部

錫宴聯句詩一册

乾隆十六年辛未

府君五十歲正月初二日赴肇慶閱兵
考驗弓馬技藝平庸者卽行斥去嫻熟
可觀者優予獎賞粵東高雷廉三府地
廣人稀不毛之土甚多屢奉

諭旨相地勸民開墾免其陞科府君飭查可墾
之地僅有千餘頃皆榛蕪叢集斥鹵磽
确且無源泉可以疏鑿隨爲奏請聽民
自便粵東各屬因春暮缺雨米價稍昂

府君通飭各屬糶濟其倉貯無多者卽於隣近移穀接應又長寧英德四會永安連平開建各屬西潦漲發附郭庄田及鄉邨廬舍多有被傷府君飛飭撫卹酌借籽種以卹貧民間五月望後府君因肝氣上逆夜間自汗不止猶力疾辦公八月初寒疾復作于中秋日具摺

奏明將督篆交東撫公署理嗣是日益劇不

孝等進藥餌無效八月二十一日府君

曰吾不起矣

君恩深重捐糜頂踵莫能報稱汝兄弟務將此言銘之座右永矢勿忘以繼吾未盡之志倘負此言吾不瞑目矣隨伏枕口授不孝等繕寫遺奏言臣草茅下士賦性

迂拙蒙

世宗憲皇帝天恩拔置詞垣我

皇上御極以來仰荷

殊恩異數天高地厚十餘年之間游歷清要內

依

禁近外任封疆臣清稜捫心自問來自田間子

然孤立上邀

聖明特達之知迴逾常格感激

高深奚止鏤心刻骨寸衷自矢惟有殫竭血誠

實心實力不避嫌怨不辭勞瘁以期效

犬馬之報於萬一此臣服官以來幾二

十年早作夜思未敢一刻稍懈者也緣

臣天稟單弱心血虛耗素患肝氣上衝

之疾本年閏五月下旬肝氣舊恙復發

猶幸時發時止臣力疾辦公不敢遽瀆

天聽延至八月間日益沉重心神恍惚不時厥

逆自汗不寐飲食少進不敢曠悞公事

當於八月十五日遵例一函奏

年譜
聞一面將兩廣督臣印務交廣東撫臣蘇昌署
理恭疏

大題報在案詎料至八月二十一日元氣虛竭
火毒上攻奄奄一息萬無生理臣未盡
之緒雖有萬端而伏枕嗚咽負疚入地
者

聖主生成教育之恩從此無由圖報至臣生母
周氏雖已叨蒙

聖恩旌表賢孝而臣父與嫡母未得一日祿養
是

君恩與親恩兩未報答臣賁恨重泉死日難瞑
者耳臣長子輝祖次子繩祖俱係監生
三子嚴祖四子及祖年皆幼穉唯囑其
努力上進繼臣畢生未盡之志而已書
訖不孝等更請後命無他言亥時考終
官署正寢不孝等五內摧裂痛不欲生

九月二十二日奉母成夫人扶襯自粵

起程于十一月初九日回里府君未寢

疾時恭逢

聖駕出口具摺迎

鑾

欽賜鹿肉一包比及粵東撫蘇公遣員賫送里

第於十二月內奉到不孝等率舉家男

婦跪迎謝

恩訖恭獻靈几痛府君不及見矣府君卽世後

蘇公具疏

題報十月初二日奉

旨兩廣總督陳大受才品優長精明勤慎敏歷

中外有年倚任方殷前因患病奏明暫交督

篆隨經降旨令其在署加意調理以冀速痊

忽聞溘逝朕心深為軫惻着入祀賢良祠以

獎賢勞所有卹典仍着察例具奏該部知道

年譜
欽此 又奉

旨兩廣總督陳大受患病溘逝已經降旨入祀賢良祠着再加恩照伊品級給與應得三代封典伊子輝祖竝着賞給一品廕生欽此隨經禮部議覆太子太保兩廣總督陳大受賦質精明在公勤慎敷歷中外十有餘年具疏

皇上獎其生前之成勞不與良矣錫以沒世之榮寵

特命崇祀賢良祠永薦明禋臣等載考舊章應照例交工部製造牌位按其爵秩世次擇吉送入賢良祠安設仍詳查事蹟交與翰林院照例立傳應否于本家

賜祭一壇之處恭候

欽定於乾隆十六年十一月初六日奉

旨依議着於本家賜祭一壇欽此又部議查定

例總督病故者照伊品級給與全葬之價並給與一次致祭銀兩

遣官讀文致祭應否與諡請

旨定奪凡與諡官員工部給與牌價本家自行建立祭文碑文該衙門撰擬等語臣等議得太子太保兩廣總督陳大受病故應照定例按其品級給與全葬之價並給與一次致祭銀兩

遣官讀文致祭祭文該衙門撰擬應否與諡伏候

上諭同日奉

旨依議仍着與諡欽此隨經內閣擬諡奏請奉旨着諡文肅

四月二十日湖南永州府沈公諱永肩恭行人賢良祠

諭祭禮二十一日恭行

年記
諭祭禮

五月初六日卜葬于本邑浯溪蟠龍山

陰

賜進士出身

誥授光祿大夫

經筵講官太子少保戶部尚書世襲一等輕

車都尉加三級治年眷弟蔣溥頓首拜

填諱

嗚呼昊天不弔邁此閔凶先府君既以

君恩未報賚志以歿而不孝等頓然失怙將顛

躋隕越莫知所極嗚呼痛哉先府君生逢

盛世仰荷

聖主知遇之隆惟思殫竭血誠稍答涓埃乃身

後復蒙

優卹曠典亘古莫倫不孝等弗獲從先府君地

下而覲顏視息人間

主德親恩兩難酬報負荷艱鉅午夜旁皇惟是
先府君嘉言懿行及當官治蹟不孝等
童昏無識未能周悉願先人有善而弗
知知而弗傳罪益不可追矣用是於苦
由餘生吮血濡毫畧陳梗概銓次如右
竊不孝等少承庭訓課讀之餘常聞伯
叔父及長老言先府君弱不好弄每遇
羣兒嬉戲端拱而立儼如成人迨出就

外傳一目十行俱下且明晰義解人皆
驚其夙慧幼讀內則事先王父王母卽
修溫清定省之儀人問之府君對曰讀
書期於躬行不然雖讀何爲宦後未得
祿養歲時伏臘輒潛然流涕迎養五叔
祖於金閭使署侍奉數年考終府君哀
悼不禁喪葬皆如禮事先伯父盡愛敬
之道田產所入悉推與弗過問其與人

交接也謙和退遜絕無嚴厲矜莊之色而亦不詭隨附和至于獨處燕居言笑不苟家人未嘗見其喜愠待臧獲以寬恕從無詈語嘗曰夫夫也使其聰明智慧能曲中主人之意則彼能役人不役於人矣飲食服御不爲矯異之行自奉淡薄每食僅具一肉尤喜菜羹而款客必豐衣冠不事華侈而章服亦不敢簡

率曰此體制所關何可忽也貴顯後遇故舊親族驩然如平素卽有齟齬亦不形諸詞色弱冠時本邑某尉延爲館時頗失禮府君撫吳尉久罷職投刺上謁以賓主相見款洽如故復厚贐之尉慙惶無已撫閩幕友康維城卒於署府君經理其喪事維城故家陝西復遣人輿襯歸其里門生故吏惟訓以勉供職守

克盡撫字之方從未私囑一事地方名
宦鄉賢可爲矜式者如皖城靳文襄公
蘇郡周文襄公湯文正公金陵方正學
先生海忠介公各祠皆捐俸修葺爲文
以紀之公餘之暇徧覽諸史通鑑嘗以
爲古今成敗能瞭如指掌經世之學在
是矣生平著述不務聲華惟求原本性
情辭達理暢詩文共若干卷藏於家嗚
呼先府君之行誼政事固已彰彰在人
耳目不孝等荒迷之際掛漏滋多是編
所載僅存什一于千百伏維

當代大人君子哀其意而俯賜採擇焉感且
不朽

男

輝嚴
繩及

祖謹跋

曾孫鎰敬刊

雍正癸丑科館選

丁廷讓

雍正壬子舉人癸丑進士由戶部主事任江西按察司即戊子

解元丁

陳

倓

田志勤

順天大

沈文鎬

江南崇

張若靄

江南桐城人任內閣學士兼禮

部侍郎

特旨照伯爵

張映辰

浙江仁

吳祖修

江南武

趙瓚

漢軍鑲

藍旗人張湄

浙江錢

鄂容安

滿洲鑲

雷鉉

福建寧

唐朱桓

江南宜

朱泮功

浙江烏

鄂倫

當升大人原于其意而前觀林對流無且

退楚辭亦什一千千百外錄

狂且不孝善哉悲之烈世誠哉多長壽

仰天賦氣之存隨運事因日道導亦人

不沐

良賦又脈動文

益始既

滿洲鑲
藍人
周正峯
福建閩縣人
儲晉觀
江南宜興人

陳大受
湖南祁陽人
董邦達
浙江富陽人
姚孔

張為儀
浙江海寧人
阮學濬
江南山陽人

范從律
浙江鄞縣人
張瑗
湖南湘潭人
陸嘉

穎和
浙江仁和人
汪師韓
浙江錢唐唐人
徐梁棟
江南金匱人

夏廷芝
江南高郵人
吳學瀚
江西高安人
許

集
江南吳縣人
敏
滿洲正黃旗人
沈景瀾
江南元和

人任廣東道
監察御史
朱績醇
山東平陰人
庚戌進

士後由兩淮運
所調貴州糧道
張映斗
浙江烏程人
時鈞轍

江南嘉定人
任啟運
江南荆溪人
王錫璋
河南內河

曾豐
福建侯官人
楊二酉
山西太原人
陳仁

廣西武宣人
王檢
山東福山人
梁山
山西介休人

焦以敬
江南婁縣人
程鍾彥
浙江嘉善人
雙慶

滿洲鑲
白旗人
賴翰
福建平和人
羅源漢
湖南長沙人

王文克
江南儀徵人
李修卿
福建侯官人
查錫韓

江南休寧人
馮元欽
江南長洲人
李天秀
陝西華陰人

劉孔昭 山東文登人 劉學祖 山東掖縣人 邱玖華

廣東海陽人 唐進賢 江南含山人 張宗說 河南夏邑人

介福 滿洲黃旗人 鑲沈齊禮 浙江烏程人 赫成義

滿洲正黃旗人 吳士功 河南光州人 王芥園 江南丹徒人

杜謐 貴州遵義人 劉元炳 湖南湘潭人 胡定 廣東

保昌 張蘭清 四川長壽人 于開泰 陝西扶風人 楊

琨 湖南新化人 傅為詩 雲南元江人 饒鳴鎬 廣東

大埔人 劉昌五 廣東順德人 聶位中 江西萬年人 陳

中榮 貴州陽綏人 張九鈞 雍正癸丑進士刑部主事後任江寧

布政司湘潭人

乾隆戊辰館選

梁國治 浙江稽人 陳栲 浙江和仁人 汪廷璣

江南鎮洋人 劉星煒 江蘇武進人 毛詠 江南

太倉人 鄭杼 江南靖江人 雍正己酉 陳

長鎮 湖南武陵人 薦張裕榮 江南桐城人 吳

綬詔 江南歙縣人 李中簡 直隸邱人 錢汝誠 浙江

嘉興人 葉世度 浙江仁和人 楊谷詒 河南光州人 李

宗文 福建安溪人 周學伋 江西新建人 邵樹本 浙江

錢唐人 邵祖節 浙江錢唐唐人 史奕簪 江南溧陽人 陳

科捷 福建安溪人 陳淦 浙江寧海人 劉定道 廣西

武緣人 雷曰履 陝西渭南人 陳大化 江南廬陽人 楊

方立 江西金華人 馮誥 浙江桐鄉人 邵煥 改名

齊然 江南昭文人 宗室泰平 正藍旗人 鍾蘭枝 浙江

范清沂 山西介休人 陸鈞 浙江仁和人

人 林明倫 廣東始興人 劉景平 山東蘭山人 劉宗

魏 江西贛縣人 胡延齡 湖北漢陽人 晏昭 四川富順

人 寅 保白旗人 王翊 江南甘泉人 段廷

機 雲南昆明人 福明安 蒙古紅旗人 苟華南 改姓

川華陽人 翰林院侍讀學士 貴邊繼祖

州浙江主考官 廣東湖北舉政

直隸任 舒毓椿 直隸大興人 陳炎宗 廣東南海人

宗室良成 正藍旗人 傅清 滿洲白旗人 王恒

山東鄒城人 荆如崇 山西平陸人 李兆鵬 山東蒙陰人

朱仕琇

福建建寧人

洪其哲

貴州屏山人

陳慶升

貴州安平人

圖翰布

滿洲鑲紅旗人

朱珪

乾隆丁卯舉人

戊辰進士

任體仁閣大學士

陳道

江西新城人

乾隆戊辰進士

人乾隆甲子舉人

戊辰進士

閔

鑑

乾隆戊辰進士

東肇羅道

牟日鈞

山東登州府棲霞人

丁

乾隆任陝

西涇陽縣知縣

干從濂

江西南康府星子人

丁

乾隆聯捷進士

由福建知縣

漸陞

甘肅整飭

寧夏道

光祿大夫太子太保兩廣總督文肅陳

公墓誌銘

乾隆十有六年秋八月甲寅太子太保兩

廣總督陳公疾終官署事聞天子悼惜

賜祭賜諡文肅又命入賢良祠加

贈三代如公官復廕其子異數也朝士嘗

與遊者泣相告江南閩粵之氓吏多為位

巷哭歸歸祁陽葬有日其孤繩祖奉狀走

京師徵余銘冀傳其實以納諸藏公諱大
受字占咸號可齋系出潁川至九世祖鏞
爲勝國曲沃令始擇居祁曾大父曰一科
大父曰震倫均長者父曰綵積行樂施與
歲歉出粟帛拯邑里之寒饑夢神人授以
緋衣兒生公公頭角殊衆幼塾師授句讀
輒能以意疏解甫爲舉業文字出語驚老
宿時稱神童洎長單心六經於濂洛關閩
書橫豎鈎貫由邑試首拔充弟子員積數
年學使者甄貢成均登雍正己酉順天鄉
薦奔贈公暨唐太夫人喪歸服除癸丑成
進士選翰林院庶吉士乾隆元年丙辰授
職編修明年夏 御試詞臣擢第一嗣是
四歲七遷洊歷中外重任公有至性乳哺
中本生母周太夫人見背後值忌日每哽
咽不自勝奉贈公唐太夫人以孝稱素靜

默無諧語敦儉習勞坦夷不設城府不爲
矯激之行亦不澳忍隨俗其學務軌於正
志在經世通籍後劄記曩哲治行期可見
之行以故當官幹實所在皆有可紀其出
撫安徽中途飭辦賑務條畫詳匝無剩罅
初視事剖決疑案老吏駭其精敏方是時
江北積貯久空卽奏行買麥易粟實倉歲
復荒賴此廩饑人民乏食多罹盜案賊止
斗粟斛麥分別奏予原減生全者甚衆嚴
汛巡靖大江掠奪優聘碩儒主書院人才
彌振 上嘉其吏能畀撫江蘇際頽年
積澇古溝決陳家浦漫白茆黃浦竒漲諸
郡縣疊被患公備籌溝防澈淫悉善奏貯
帑海州庫廻環糴糶濟民食咨部踵用小
口斛收漕白糧輸者鼓舞倡捐蘇城義學
經費增普濟育嬰廣仁三堂公產俾可久

購地闢達以絕火延議覆察禁商販遲糶
謂米質難久貯斷不能停待踰年若概查
禁必潛運他處宜聽其自行出售議覆城
工核減謂浮估固耗帑然不細籌工料專
圖節省辦員苟且卒事必難歷久耗帑更
甚皆切中事理太湖爲逋逃藪綠江浙舊
設叅遊分駐東西緝捕互諉不逞者得盜
攫奪公奏改江蘇叅將爲副將兼控轄兩
省銜改浙江遊擊爲都司分防絕推卸而
弭寇賊爲從前撫吳者慮畫所未及在上
下江偏災必奏聞凡六賑水災運兌法良
米艘鱗集抑中飽領賑者得實滂退奏給
牛種杜蝗蝻孽育散藥以辟疫疹道鮮鵠
鳩野無齧骼其撫閩也鎮定明察囂恬姦
戢人樂安之臺灣撥運歷欠久爲具文公
根查顛末列陳流弊清二十餘年塵案復

備爲善後計請以四十萬石額貯臺倉每
年碾支歸補免採買派累民番其爲總制
飭軍戎以綏地方畿輔循治粵俗亦一變
峒蠻溪蠻息剽劫吳粵皆兼筦權務不私
不苛在粵兼理釐政無纖滓公二十年中
發聞翰苑出膺節鉞入爲正卿贊機務任
寄甚鉅一以真誠勤慎貫其終始案牘選
至必手覽目裁旋約明故邁疾不少怠黠
胥無從因緣爲姦利故自始仕訖於終保
寵榮而遠譽戾非倖也其歷官內自編修
遷侍講學士詹事府少詹事詹事內閣學
士吏部侍郎洊陟吏兵二部尚書兼戶部
教習庶吉協辦內閣大學軍機處行走中
間一充日講官兩充經筵講官外自
巡撫安徽移撫江蘇福建署直隸總督尋
授兩廣總督以宣力封疆加太子少保以

金川平定晉太子太保加軍功三級其校
文號得人丙辰順天鄉試丁巳會試同考
官戊子浙江正考官戊辰會試大總裁文
武殿試讀卷官充書局總裁者三 武英
殿三禮館方畧館也主武鄉試者二甲子
江南丁卯福建也其承 賜賚自 御書
至冠服葎藥食物甚渥其邀 封典乙卯
丙辰丁巳 覃恩今次 特恩也迴憶癸

丑春三月余與方靈皋各作類編記時公
方成進士適至強之擬作屬稿未半意與
言皆得余大擊賞靈皋亦稱善後公以撫
蘇入覲宿余寓齋論歷代名臣治行因及
東南政要極得古大臣意余亦深期之而
不意其年止五十未究所蘊以終也惜哉
公初配張夫人率繼配成夫人皆有婦德
子男五人述祖早殤輝祖監生一品廕生

娶同邑庠生劉正長女繩祖監生娶同邑
舉人衡山教諭徐上長女嚴祖未聘及祖
聘邵陽羅氏女女子二人一適同邑諸生
徐學海一幼未字以乾隆十七年五月六
日卜葬浯溪蟠虬山之陽銘曰

仕學一源道惟不苟流競喧豨人趨我守
蠢迪檢押刮磨黜黜修辭立誠臨人居厚
撥科承恩如嚮應扣秩峻祀崇光錫鬯

白天羸其逢胡嗇其壽所施未竟以俟厥
後鄉雋覃季寓哲聳叟名山名川在左在
右螭虬此蟠狸貍屏風紀行堅珉厚載並
久



長文

長文

古體地長微野露沃風除百翠飛乳輝
對群尚耶之尚若管與谷山合川五之
天

